

jiân-āu pe khi hioh tī lāng só beh chiáh ê mih, án-ni bōe bián-tit tōa lâ-sâm khi bak-tiòh chiáh mih. Hô-sîn ê kha só òe tōa khi ê lâ-sâm sui-jiân kék chió, chóng-sī tī hit ê lâ-sâm tiong kia<sup>n</sup> liáu ū tī pī<sup>n</sup> ê sòe khún (ū sī kiò chòe bī-bút) tī-teh, kàu-giáh thang thōan-jiám siong-tiōng ê pī<sup>n</sup>-chêng, chhin-chhiū<sup>n</sup> tng-á jiát, lâu-thò, chòe-lī hiah ê. Jóah thi<sup>n</sup> sī gín-á siat-siá, kiám-chhái ūi-tiòh chiáh-mih bak-tiòh hô-sîn ê tók.

Siat-sú chiáh mih í-keng bak-tiòh, nā chú sèk chiū òe biát tók. Chú hó ê sī tiòh siu hó-sè bián koh-chài bak-tiòh. Bōe piá<sup>n</sup>, bōe thng-á ê lāng eng-kai khàm mih hó-sè, bián hô-sîn lâi bak-tiòh.

(7) Tī chit ê tōe-hng chōe-chōe tōa-lāng gín-á si<sup>n</sup> bün-thāng. Che sī chái<sup>n</sup>-iū<sup>n</sup>? Sī in-ūi só chiáh ê chhài-soe liām tiòh bün-thāng nng, í-keng kàu pak-lāi chiah chiá<sup>n</sup> chòe bün-thāng. Chōe-chōe lāng pak-tó thiá<sup>n</sup> siat-siá sī ūi-tiòh chit ê iân-kò. Ū tí-hông ê hoat-tō, chiū-sī ták hō chhài ták pái tiòh tãi-seng chú chiah chiáh. Teh chú ê sī bün-thāng nng òe sí-khì, āu-lāi bōe chiá<sup>n</sup> chòe bün-thāng.

Gín-á nā pàng bün-thāng, tiòh tãi-seng chiah pò<sup>n</sup> thng sī pi-iū lâi chheng tng-á, jiân-āu khang pak ê sī chiah sat bün-thāng ê iòh. Nā iân-chhián bô chiah iòh, kia<sup>n</sup>-liáu òe tì-kàu pak lâi kan-khó.

(8) Chōe-chōe i-seng bat hoan-hù lāng, bē chiah ê tãi-seng chha-put-to sa<sup>n</sup> khek kú, tiòh seng lim chit nng óa<sup>n</sup> chheng ám á-sī kún-chúí. Án-ni hō seng-khu ū liū-chit, kàu-giáh thang si<sup>n</sup> kúi-nā hō òe pang-chān siau-hòa ê chiap, koh ū pát mih lī-ek. Tng chiah ê sī m̄ thang lim chin chōe, kia<sup>n</sup>-liáu òe hō ūi chiap siu<sup>n</sup> pòh, chiū i ê siau-hòa lát kiám chió.

(9) Lāng nā siōng-siōng chiàu kui-kú lâi lim-chiáh, chiah khah bōe hōan-tiòh ūi thiá<sup>n</sup> lân siau hit hō pī<sup>n</sup>. Phò<sup>n</sup>-pī<sup>n</sup> sui-jiân òe i-tit, lêng-khó lim-chiáh ê sī ták hāng chiàu hoat-tō, hō seng-khu khah bián hit hō pī<sup>n</sup>. Phì-jū pio-á sin ê sī ták hāng lóng sī hó, nā lām-sám ēng sui-jiân siu-lí kàu hó, iā bōe pí-tit iáu-bē phái<sup>n</sup>-khi ê sī hiah íóng.

(10) Chiah mih tī ūi lâi tiòh chham ūi-chiap chiah òe siau-hòa. Kiám-chhái lāng chiah siu<sup>n</sup> chōe á-sī in-ūi phò<sup>n</sup>-pī<sup>n</sup>, ūi só si<sup>n</sup> chiap bô kàu-giáh siau-hòa lát, chiū chiah mih òe chek-chū khah kú tī ūi lâi. In-ūi ūi sī sio ê só-chāi, só-í chiah mih òe piàn chhàu-sng. Nā thò chhut lāng chiām sī òe khah sóng, nā bô thò chhut, kia<sup>n</sup>-liáu ūi òe ná tiū<sup>n</sup> tōa, ūi ê piáh ná sit lát, siau-hòa ná bô sún.

Án-ni thang chai nā thàn òe-seng ê lí lâi lim-chiáh, hit ê lī-ek chin-chiá<sup>n</sup> tōa.

### Náu-pō.

96. Náu-pō thang pun chòe thâu-náu, chek-náu kap náu-sò<sup>n</sup>. Thâu-náu sī pah thé ê tiong-kan tē-it óah-lêng ê pō-ūi, kī<sup>n</sup>-nā kak-ngō, í-kip ták hō kóan ūn-tōng ê sim-ì kap su-sióng, chhit chêng, lóng tui thâu-náu hoat chhut. Thâu-náu sī tī thâu-lô kut lâi, ū 3 têng mòh teh pau i bát-bát, khah bōe siū kháp tiòh. Gōa-têng miá kiò náu-kun-i, tiong têng kiò chòe náu sip-i, lâi-têng kiò chòe náu-huih-i in-ūi ū bī-huih-kng sì-úi hun sò<sup>n</sup> teh iú<sup>n</sup>-chhi<sup>n</sup> náu. Thâu-náu ê hêng-sè lióh-á chhin-chhiū<sup>n</sup> koe-nng ê khóan-sit, chêng bīn khah chiam hêng, āu-bīn khah khoah.

97. Thâu-náu pun 4 ùi, chiū-sī tōa náu, sió náu, náu-kiô kap iân-náu. Tōa náu sī chòe thâu-náu ê téng-thóau kap chêng bīn hit tōa<sup>n</sup>, sió-náu khng tī āu-bīn koh ē-tóe. Tōa-náu kap sió-náu nng hāng òe hun chó-iū 2 pêng, koh ták ê ù náu-chit, hō chó-iū 2 pêng òe sa<sup>n</sup> liân.

Iân-náu sī chit tiâu náu chit, òe hō tōa-náu kap chek-náu sa<sup>n</sup>-liân. Tōa náu ù chōe-chōe hôe-hùn, khut-khut khiok-khiok chhin-chhiū<sup>n</sup> hùt-thô-jīn ê khóan-sit. Hùn-tiong ê khang-khiah chhim khín bô sa<sup>n</sup> tâng, tē-it chhim ê chha-put-to chit chhùn. Koh lāng tōa-náu ê hùn iā bô tâng. E<sup>n</sup>-á ê hùn khah khiú iā bô sím-mih bêng, kàu tiong-liân chiū khah chhim khah bêng.

Sió-náu sī tī tōa-náu ê āu-bīn kap ē-tóe, sī liòh-á chhim-chhiū<sup>n</sup> sòe ê kun-thâu-bú. I ê hùn m̄-sī oan-khiau chhin-chhiū<sup>n</sup> tōa-náu ê, sī tit-tít ê. Náu ê chit gōa-bīn sī hé-hu sek, lāi-bīn khah chōe sī pèh sek ê chit, nā sī iū-gōan ù hé-hu sek ê kat tī-teh. Hé-hu sek ê chit òe si<sup>n</sup>-khí ì-chì kap su-sióng, pèh ê chit sī bōe sng-tit ê iù-iù ê sòe<sup>n</sup>, òe thōan hit ê ì-chì kàu pát ùi.

98. Lāng ê lêng-thong, tì-sek, ti-kak lóng sī tui náu chhut. Náu nā tiòh-siong á-sī si<sup>n</sup> p<sup>n</sup>, lāng kiám-chhái òe piàn thām-lōan, kiám-chhái sit cheng-sīn, kiám-chhái hoat iū<sup>n</sup>-hīn, kiám-chhái piàn-sūi.

Náu tiòh chai-pòe, sòe-hàn ê sí ēng hó ê kàu-iòk ùn-ùn-á khui i ê lêng-khiàu, kiàn-siat hó ê sip-kòan.

Tú-tiòh gín-á khah lêng-laī, seng-khu iáu iù ê sí, pē-bú tek-khak m̄-thang pek i thák, kia<sup>n</sup>-liáu i ê náu kè-thâu chòe kang, seng-khu iā bōe kham-tit, i ê náu-lát iā bōe hoat-tát. Hit hō gín-á pí pêng-sióng ê gín-á tiòh khah bān thák, koh ēng gōa-bīn ê ùn-tōng lái ke-thi<sup>n</sup> sin-thé ê ióng-kiā<sup>n</sup>. Khah tōa-hàn ê sí i chiū khah òe kham-tit thák, iā òe khòai chìn-pō.

99. Náu iā tiòh sòe-jī chiàu-kò, ù sí tiòh hiòh-khùn, nā tit-tit káng-kiù chheh kàu siān chiū khah bōe gâu siū<sup>n</sup>, nā chiām chhiá<sup>n</sup> hiòh khi chòe pát mih sū, āu-lái náu put-chí khah òe chhim siū<sup>n</sup>. Lāng tó-teh khùn ê sí náu òe hiòh, koh òe tit-tiòh hiuh thang iú<sup>n</sup>-chhi<sup>n</sup> i, lái pó só ēng liáu ê chit. Thák-chheh lāng ēng náu-lát khah chōe, só-í iàu-kín tiòh khùn kàu-giáh. Ták lāng tiòh khùn chhit, poeh tiám-cheng kú, chóng-sī ù lāng khiām khah chōe, ù lāng khiām khah chíó. E<sup>n</sup>-á tiòh khùn tē-it kú, koh bē tióng-sêng ê pí tōa-lāng iā tiòh khùn khah kú.

Óh-lái hák-seng pàng-hē ê sí tiā<sup>n</sup>-tiā<sup>n</sup> chòe chhiú-kang, m̄ tát-tiòh gōa-bīn ê ùn-tōng, lái pó náu ê òah-tāng lêng-lèk.

100. Thâu-náu ē-bīn hoat náu-sòe<sup>n</sup> 12 tui. Tui chêng bīn òe āu lái sng chiū-sī chiàu ē-tóe:

Tē 1 tui                    òe kàu phī<sup>n</sup> lái, ù koan-hē tī phī<sup>n</sup> ták hō bī.

Tē 2 tui                    kàu bák-chiu, ù koan-hē tī khòe<sup>n</sup>-kì<sup>n</sup> ê tãi-chì.

Tē 3, 4, 6,            chí 3 tui òe kóan bák-chiu ê tng-lái tng-khì.

Tē 5 tui                    koan-hē bīn ê ti-kak. Lāng chai chhui-khí thià<sup>n</sup> sī àn chit tui náu-sòe<sup>n</sup> thōan kàu náu chiah òe chia.

Tē 7 tùi	sī kóan bīn ê tín-tāng í-kíp bák-chiu ê thí-khui kap pàng-khoeh.
Tē 8 tùi	kàu hī-khang ũ koan-hē thia <sup>n</sup> -kì <sup>n</sup> ê sū.
Tē 9 tùi	hō láng ōe jīn-tít chhùi-lāi ê bī-sò, koh ōe kóan thun-lòh.
Tē 10 tùi	ōe pun-chhe khi chín hng, chiū-sī kàu sia <sup>n</sup> -kng, hì, sim, ũi kap koa <sup>n</sup> .
Tē 11 tùi	sī kóan âm-kún kúi-nā tiâu ki-bah.
Tē 12 tùi	sī kóan chhùi-chih ê tín-tāng.

### Lūn chek-náu

101. Chek-náu ōe sòa-chiap thâu-náu ê iân-náu, koh sī khng tī ka-chiah kut ê tiong-khang. Chek-náu iā ũ sa<sup>n</sup>-tēng mōh teh pau i, chhin-chhiū<sup>n</sup> thâu-náu chit-iū<sup>n</sup>. I ê chō-chit iā kap náu sa<sup>n</sup> chhin-chhiū<sup>n</sup>. Chiū-sī ũ hé-hu sek kap pēh ê, chí nng hō chit. Chek-náu teh keng-kè chek-thiāu chōe-chōe tē kut, tī múi 2 tē kut ê tiong-kan siang-pēng ũ khang, hō chek-náu só hoat ê náu-sò<sup>n</sup>-kun, chēng āu 2 tiâu thang chhut lái. Í-keng chhut chiū chí 2 tiâu kun ōe sa<sup>n</sup>-liân háp chòe chit tiâu náu-sò<sup>n</sup>. Chiah ê náu-sò<sup>n</sup> kiōng 31 tùi, ōe kàu âm-kún, chhiú, sin kap kha. Chēng-kun āu-kun ê koan-hē bô sa<sup>n</sup>-tāng, chēng-kun sī koan-hē tín-tāng ōe thōan bēng-lēng kàu ki-bah, nā koah-tng chiū hit tiâu só kóan ê só-chāi bōe tín-tāng, chiū-sī piàn-sūi. āu-kun ê koan-hē ti ti-kak, nā koah-tng chiū i só kóan ê só-chāi sui-bóng ōe tín-tāng, nā-sī bô kak-ngō.

Siat-sú chek-náu bô lūn sím-mih só-chāi tiōh-siong, hit ũi í-ē ōe siat-lòh kong-iōng; só hoat chhut ê náu-sò<sup>n</sup> bōe tùi thâu-náu tit-tiōh bēng-lēng, thang thōan hō ki-bah, só-í hiah ê náu-sò<sup>n</sup> só kóan ê só-chāi ōe piàn-sūi. M̄-nā án-ni iā bô kak-ngō, in-ūi thōan jip ê náu-sò<sup>n</sup> bōe thōan tãi-chì kàu náu, sī in-ūi chek-náu tiōh-siong ê só-chāi lái keh-tng.

### Lūn náu-sò<sup>n</sup>

102. Náu-sò<sup>n</sup> si-kòe thò<sup>n</sup> kàu thong seng-khu. Ták tiâu gōa-bīn pau pēh sek koh hām iū ê chit chòe siū, lái-bīn ũ hé-hu sek ê náu-chit. Náu-sò<sup>n</sup> ũ 2 hō ê lō-ēng; chit hō sī tùi gōa-bīn lái thong tī chek-náu, kap thâu-náu hō láng ōe kak-ngō, ōe chai seng-khu gōa ê sū, chit hō kiò chòe thōan-jip ê náu-sò<sup>n</sup>. Tē-jī hō ōe thōan thâu-náu ê bēng-lēng kàu ki-bah, hō i ōe thàn láng ê ì-sù lái kiu, lái pàng, chit hō kiò chòe thōan-chhut ê náu-sò<sup>n</sup>.

Láng put-lūn beh chòe sím-mih sī tùi náu tãi-seng chú-ì, náu-sò<sup>n</sup> chiū liām pi<sup>n</sup> thōan bēng-lēng kàu ki-bah lái kek i thàn láng ê ì-sù, put-lūn sī kiu á-sī pàng bô m̄ thàn bēng-lēng. Ta<sup>n</sup> siat-sú hit tiâu ōe kóan bó só-chāi ê thōan-chhut náu-sò<sup>n</sup> lái koah-tng, sui-jiân ũ chí-ì ài hō hit só-chāi tín-tāng iáh bōe thàng i, só-í ōe chai sī tùi thōan-chhut náu-sò<sup>n</sup> lái hoan-hù ki-bah chiah ōe kiu á-sī pàng.

103. Phē ê lái-chō ũ ti-kak náu-sò<sup>n</sup> chōe-chōe, só-í kiám-chhái chhák-tiōh, á-sī sio-tiōh, á-sī put-lūn bong sím-mih mih, chiah ê thōan-jip ê náu-sò<sup>n</sup> ōe thong-ti náu, láng chiū liām-pi<sup>n</sup> chai. Ta<sup>n</sup> siat-sú hit tiâu kóan bó só-chāi ê thōan-jip náu-sò<sup>n</sup> lái koah-tng, chiū hit só-chāi lóng m̄-chai thiā<sup>n</sup>, m̄ chai chiū<sup>n</sup>, bong mih iā m̄ chai. In-ūi án-ni, lán thang chai hit tiâu thōan jip ê náu-sò<sup>n</sup> sī kóan kak-ngō ê tãi-chì.

104. Phē ê náu-sò<sup>n</sup> ōe thōan-pò hō láng ōe hiáu sio-léng, chho-iù, tâm-ta, iáu kú bōe